

天一閣藏明代方志選刊

天一閣藏明代方志選刊

大名府



大名郡志序

作志有體不知其體而
徒事乎枝葉蔓衍之文
猶不作也况或以恩怨
為取舍撥詭怪為博洽
至有得之傳聞而輒意

揣心構以附會損益之
不失之諛則失之誣求
其繫政體闡名教者顧
廼邈乎無所述焉若是
者果何取於志也哉所
以世之庸史往往不能

取信於人而其褒貶之
詞祇為後來者咲資耳
此古人之不欲盡信於
書也魏博自昔號稱華
劇在趙宋尤為控扼北
虜要衝其間碩材名宦

累、相望而風物山川
要皆有足畫者前此固
嘗有志然而褻賤未必
協乎輿情鋪張未必闕
于政教予恐後之人或
詆其諛而誣也委而棄

之世愈遠而事愈湮文
獻無復可徵矣竊用是
懼焉迺命校官陳滯梁
矩蒐采事類聘東明唐
尹錦纂輯之垂成而予
有廷尉之

名滁陽石君允升自侍
御史繼守于此慨然欲
挽今而推之於古首以
梓志為事夫垂典則昭
風勵郡守職也其事若
緩而實切其繫似輕而

實重所以儒者之政動
遵古法而世之知者或
寡矣石君其賢矣哉予
於茲志不獨喜予志之
成且將賀石君之政成
也於是乎書

正德改元夏仲之吉

賜進士中憲大夫奉

勅巡撫京畿兼提督紫荆

等關仍提調操練都察

院右僉都御史關中韓

福書

大名府志凡例

一志目頗多使不以類相從未免淆雜無倫故各以摠志統之庶幾綱舉而目張之義也

一詩文有繫於紀述題咏者各附本題之下以便考究其無所附麗者則入文章志中若涉於釋老仙幻雖工不錄

一墓銘不附於陵墓之下者以互言之意在人不在墓也

一官蹟惟詳於去任而見任者雖有善政不敢登載蓋要終以定論史家之例然也

一進士之名復見於鄉榜登用之士有忠孝大節者再書於人物不以重複爲嫌者高其行侈其遇也

一志首疆域次山川次田賦次祠祀次公宇次官守次人物次登用次古蹟次文章蓋酌其事而爲之序也

一學校爲繫固重然亦公署類也別爲一志

似失之瑣列諸公宇之首當亦不失其重
矣

一寺觀乃老釋之徒祀其師之所固不當塵
諸汗簡然誠有之豈得曲諱故附諸祠祀
之末尚莫末者按籍而漸毀之亦衛道之
一端也

凡例終

大名府志目錄

卷之一

疆域志

沿革

里至

分野

風俗

形勢

城池

鄉鎮

卷之二

山川志

山川

堤堰

津梁

卷之三

田賦志

貢賦

鹽課

地畝

戶口

物產

馬政

屯田

兵備

卷之四

祠祀志

廟貌

壇壝

寺觀

卷之五

本頁原缺據書中子目輯補

公宇志

學校

署舍

亭鋪

惠政

卷之六

官守志

名宦

見任

卷之七

人物志

君后

忠節

文學